



KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

7 JULAI 2022 (KHAMIS)



KEMENTERIAN PERDAGANGAN DALAM NEGERI
DAN HAL EHRAL PENGGUNA

KERATAN AKHBAR DAN MEDIA ONLINE (KPDNHEP)

7 JULAI 2022 (KHAMIS)

KPDNHEP perhebat kerjasama di sempadan tanah air

KLANG - Kementerian Perdagangan Dalam Negeri dan Hal Ehwal Pengguna (KPDNHEP) bekerjasama dengan agensi-agensi penguat kuasa bagi membanteras isu penyeludupan minyak peket bersubsidi di sempadan tanah air.

Menterinya, Datuk Seri Alexander Nata Linggi berkata, beberapa strategi sedang dirangka termasuk menubuhkan jawatankuasa bagi mengesan kegiatan haram berkenaan.

"Kita ada Ops Samar di mana penguat kuasa akan pakai pakaian biasa bagi melakukan intipan.

"Jika penyeludupan berlaku di sempadan negara melalui laluan air, kami tidak ada aset yang diperlukan seperti bot, jadi kami memerlukan kerjasama daripada tentera laut, polis marin, kastam dan lain-lain.

"Jadi kerjasama ini kita bentuk (untuk jadi) pasukan yang lebih mantap," katanya selepas mengadakan lawatan ke Carsome Certified Lab, Bandar Bukit



Alexander ketika sidang media selepas mengadakan lawatan ke Carsome Certified Lab, Bandar Bukit Raja, Klang pada Rabu.

Raja di sini pada Rabu.

Menurutnya, berbanding harga minyak peket di Malaysia yang dijual RM2.50 sekilogram (kg), bahan tersebut dijual dengan harga jauh lebih tinggi di negara serantau iaitu di Thailand (RM12.60 per kg); Indonesia (RM14.27 per kg); Filipina (RM11.23 per kg) dan Singapura (RM12.33 per kg).

"Kami akui penyeludup-

an ini bukan perkara baru, namun dulu kegiatan itu tidak ketara sebab beza harga minyak masak bersubsidi dan harga tidak bersubsidi adalah kecil," katanya.

Dalam pada itu, Alexander turut memaklumkan sebanyak RM1.5 juta nilai rampasan minyak masak peket bersubsidi berjaya dirampas di empat buah negeri setakat Selasa.

KPDNHEP sekat minyak bersubsidi lepasi sempadan **RM1.5j minyak masak seludup dirampas**

Oleh ISKANDAR SHAH MOHAMED

KLANG - Kementerian Perdagangan Dalam Negeri dan Hal Ehwal Pengguna (KPDNHEP) merekodkan rampasan minyak masak peket bersubsidi bernilai RM1.5 juta yang melibatkan empat negeri di sempadan negara.

Kesemua rampasan itu meliputi sempadan Kelantan, Kedah, Sabah dan Sarawak direkodkan sepanjang tempoh 1 Januari lalu sehingga kelmarin.

Menterinya, Datuk Seri Alexander Nanta Linggi berkata, KPDNHEP memperhebatkan operasi penguatkuasaan selepas mendapati wujud kegiatan penyeludupan minyak masak peket ke negara jiran.

Katanya, pelaksanaan operasi itu membuahkan hasil dengan merekodkan sebanyak 61 kes termasuk melibatkan individu dan peniaga.

"Rampasan minyak masak berjumlah RM1.5 juta itu meliputi sempadan empat negeri sama ada laluan darat mahupun laut termasuk Sabah dan Sarawak.

"Kesemua kes disiasat dan diambil tindakan mengikut Akta Kawalan Bekalan 1961," katanya ketika melakukan lawatan kerja di Carsome Certified Lab di Bukit Raja, di sini semalam.

Sebelum ini, Perdana Menteri, Datuk Seri Ismail Sabri Yaakob mengarahkan penguat kuasa seperti KPDNHEP, PDRM dan Angkatan Tentera Malaysia (ATM) menggempur daripada peringkat kilang pembungkusan hingga ke sempadan negara bagi memastikan tiada penyelewengan berlaku.

Jelas Alexander, KPDNHEP sedang merangka beberapa strate-



ALEXANDER (kanan) ketika merasmikan logo baharu Carsome Certified Lab di Bukit Raja, Klang semalam.

gi bagi menangani isu penyeludupan itu termasuk menubuhkan jawatankuasa khas dan bekerjasama dengan pelbagai agensi penguatkuasaan.

"Seperti yang diumumkan sebelum ini, agensi yang akan membantu kita antaranya PDRM, ATM dan Maritim Malaysia (APMM).

"Selain itu, kita melaksanakan Ops Samar menerusi penguat kuasa yang tidak berpakaian uniform dan pegawai khas yang menjalankan pemantauan rutin," ujarnya.

Tambah beliau, pihaknya mengakui kes penyeludupan minyak masak peket itu bukan perkara baharu dan berlaku sejak sekian lama.

"Namun, ia tidak begitu ketara sebelum ini kerana perbezaan harga bersubsidi dengan tidak bersubsidi amat sedikit.

"Penyeludupan kini bagaimanapun lebih berleluasa sama ada melibatkan penggunaan isi rumah mahupun berskala besar," katanya.

Dalam pada itu, Alexander menyerahkan kepada Suruhanjaya Pencegahan Rasuah Malaysia (SPRM) untuk menyiasat sekiranya berlaku isu ketirisan minyak masak.

"Jika mereka terima aduan dan mahu siasat, itu terpulang kepada mereka. KPDNHEP tiada larangan dan tidak ada masalah dengan perkara berkenaan," tegasnya.

Crackdown on smuggling of cooking oil to intensify

KLANG: The Domestic Trade and Consumer Affairs Ministry will intensify enforcement to curb the smuggling and misappropriation of subsidised cooking oil to neighbouring countries.

Its minister Datuk Seri Alexander Nanta Linggi admitted that the crime was rampant in states bordering neighbouring countries including Kedah, Kelantan, Sabah and Sarawak due to the high price of the commodity on the global market.

At a press conference after visiting the Carsome Certified Lab here yesterday, he said that since January up until last Tuesday, authorities have seized RM1.5mil worth of goods in the four states. It involved 61 cases.

Nanta said the packaged oil priced at RM2.50 per kg in Malaysia is sold at a much higher price in countries like Thailand (RM12.60 per kg) and Singapore (RM12.33 per kg).

"In the past, the smuggling was not significant because the price difference between subsidised cooking oil and non-subsidised oil was small due to the low market price of crude palm oil (CPO).

"However, the CPO price has risen between RM4,000 and RM5,000 per tonne, thus fuelling more smuggling incidents," he said.

Nanta said enforcement cooperation in the land and sea border areas between the police, army and customs was needed to thwart attempts to smuggle subsidised goods. — Bernama

Oleh Ruwaida Md Zain
am@hmetro.com.my

RM1.5J NILAI RAMPASAN MINYAK MASAK PAKET

Klang

Kementerian Perdagangan Dalam Negeri dan Hal Ehwal Pengguna (KPDNHEP) merekodkan sejumlah RM1.5 juta nilai rampasan kes penyeludupan minyak masak paket bersubsidi di sempadan negara membabitkan empat negeri.

Menterinya, Datuk Seri Alexander Nanta Linggi berkata, jumlah nilai rampasan itu membabitkan kes di empat negeri iaitu Sabah, Sarawak, Kedah dan Kelantan.

"Jadi setakat ini rampasan bernilai RM1.5 juta bagi tempoh awal Januari sehingga 5 Julai lalu dengan mencatatkan 61 kes membabitkan individu dan peniaga di empat negeri ini.

"Sebab itu penguatkuasaan kita diperhebatkan dan memang ada berlaku kes-kes di sempadan iaitu Sabah, Sarawak sebab dua negeri ini ada sempadan yang panjang dengan jiran kita.

"Juga di sempadan Kelantan dan Kedah, jadi empat buah negeri ini ada berlaku penyeludupan (minyak masak paket bersubsidi)," katanya pada sidang media selepas mengadakan lawatan ke Carsome Certified Lab, Bandar Bukit Raja di sini, se-

Empat negeri aktif seludup

malam.

Alexander berkata, penguatkuasaan membabitkan minyak masak paket bersubsidi itu sentiasa bergerak dan berterusan sehingga membolehkan pihaknya berjaya mengesan kesalahan itu dan membuat tangkapan seterusnya dikompaun.

Menurutnya, KPDNHEP sedang merangka beberapa strategi membabitkan penguatkuasaan dan pemantauan malah kini mesyuarat jawatan-kuasa itu sedang berjalan.

"Kita ada Ops Samar, yang mana penguat kuasa kita tidak memakai uniform, sebaliknya memakai pakaian biasa untuk masuk ke mana-mana tempat untuk memastikan kejadian itu ber-

laku atau tidak.

"Kita juga tubuhkan jawatankuasa seperti diumumkan oleh saya dan Perdana Menteri, di mana agensi penguatkuasa lain akan membantu KPDNHEP seperti Polis Diraja Malaysia (PDRM), Angkatan Tentera Malaysia (ATM) dan agensi penguatkuasa lain.

"Kalau di sempadan perairan, kami tidak ada aset yang diperlukan seperti bot, jadi kami juga memerlukan daripada tentera laut, polis marin, kastam dan lain-lain. Ini untuk kami bentuk pasukan lebih mampan dan kukuh," katanya.

Dalam pada itu katanya,

KPDNHEP terbuka jika pihak Suruhanjaya Pencegahan Rasuah Malaysia (SPRM) ingin menjalankan siasatan sekiranya berlaku ketirisan dalam isu berkenaan.

"Itu bergantung kepada SPRM (siasatan jika berlaku ketirisan); kita tidak kawal mereka.

"Kalau mereka terima aduan dan hendak siasat, itu terpulang. KPDNHEP tidak ada larangan, tidak ada masalah dengan itu," katanya.

Isnin lalu, Perdana Menteri, Datuk Seri Ismail Sabri Yaakob mengumumkan kerajaan akan melakukan pengauditan dan pemutihan komprehensif membabitkan 22 pengeluar serta 305 premis pembungkusan semula minyak masak paket di seluruh negara.

“Setakat ini rampasan bernilai RM1.5 juta bagi tempoh awal Januari sehingga 5 Julai lalu”
Alexander



PENGUATKUASAAN membabitkan minyak masak paket bersubsidi itu sentiasa bergerak dan berterusan.

Lima syarikat minyak masak disiasat

KUALA NERUS - Kementerian Perdagangan Dalam Negeri Dan Hal Ehwal Pengguna (KPDNHEP) Terengganu menyiasat lima buah syarikat yang disyaki terlibat dalam penyalahgunaan minyak masak peket.

Pengarahnya, Saharuddin Mohd Kia berkata, kesalahan itu dikesan melalui operasi khas yang dijalankan sejak 23 Jun lalu.

Menurutnya, lima kertas siasatan dibuka melibatkan tiga syarikat industri kecil dan sederhana (IKS) serta masing-masing satu syarikat pemborong dan pembungkusan minyak masak yang beroperasi di Kuala Terengganu dan Dungun.

"Tiga IKS terlibat dikesan melanggar peraturan-peraturan 18 Kawalan Bekalan 1974 iaitu menggunakan barang berjadual (minyak masak) melebihi kuantiti yang dibenarkan tanpa permit.

"Pembungkus dan pemborong pula melanggar peraturan-peraturan 13, Kawalan Bekalan 1974 iaitu gagal menyelenggara buku stok barang kawalan," katanya ketika ditemui pemberita selepas meninjau operasi di sebuah kilang IKS di sini pada Rabu.

Beliau berkata, pemantauan juga dijalankan terhadap 13 pembungkus, 36 pemborong, 366 peruncit dan 19 IKS di seluruh Terengganu.

Katanya, pemeriksaan itu dijalankan

kan susulan pengapungan harga minyak masak tulen bagi pek kemasan botol dan penetapan harga kawalan siling terbaharu bagi ayam dan telur ayam.

"Kita beri fokus kepada tempat penyimpanan bekalan, pemprosesan pengeluaran dan pembungkusan minyak masak peket di samping mendapatkan deklarasi stok untuk meneliti status sebenar jumlah bekalan minyak masak peket yang dikeluarkan syarikat pembungkus tersebut.

"Pemeriksaan terhadap IKS pula dilakukan bagi memastikan industri tersebut tidak menggunakan minyak masak peket bersubsidi bagi tujuan perniagaan mereka kerana penggunaannya hanya untuk golongan isi rumah domestik sahaja," katanya.

Beliau berkata, mana-mana individu yang memiliki barang kawalan minyak masak bagi tujuan perdagangan melebihi 12 kilogram tanpa kebenaran kementerian boleh diambil tindakan di bawah Akta Kawalan Bekalan 1961.

"Sekiranya didapati bersalah individu terbabit boleh didenda tidak melebihi RM1 juta atau penjara tidak melebihi tiga tahun atau kedua-duanya sekali manakala bagi syarikat sekiranya disabitkan kesalahan boleh didenda tidak melebihi RM2 juta," katanya.



SAHARUDDIN (tengah) memantau penggunaan minyak industri di Muslim Food Industry, Kampung Banggol Tok Jiring, semalam.

Kuala Nerus: Kementerian Perdagangan Dalam Negeri dan Hal Ehwal (KPDNHEP) Terengganu membuka lima kertas siasatan terhadap pembungkus, pemborong dan industri kecil sederhana (IKS) berkaitan kes minyak masak.

Pengarahnya, Saharuddin Mohd Kia berkata, kesemua kesalahan itu dikesan hasil pemeriksaan di bawah Ops Ayam, Telur Ayam, Minyak Masak (Ops ATM) bermula 23 Jun lalu hingga semalam.

Beliau berkata, tiga kesalahan iaitu masing-masing dua di Kuala Terengganu dan satu di Dungun.

Ia mengikut Peraturan 18,

IKS GUNA MINYAK MASAK LEBIH KUANTITI

Lima kertas siasatan dibuka

Peraturan-peraturan Kawalan Bekalan 1974 iaitu menggunakan barang berjadual.

"IKS itu menggunakan minyak masak melebihi kuantiti yang dibenarkan tanpa permit iaitu melebihi 12 kilogram.

"Dua lagi kesalahan masing-masing membabitkan pembungkus dan pemborong di Kuala Terengganu serta Dungun. Ia mengikut Peraturan 13, Peraturan-peraturan Kawalan Bekalan 1974 iaitu gagal menyelenggara buku stok barang kawa-

lan," katanya.

Beliau berkata demikian ketika ditemui media selepas melakukan pemeriksaan IKS di Muslim Food Industry di Kampung Banggol Tok Jiring, semalam.

"Kesemua kesalahan ini dikesan hasil 434 pemeriksaan di seluruh Terengganu membabitkan 366 peruncit, 36 pemborong, 19 IKS dan 13 pembungkus.

"Pemeriksaan ini susulan daripada pengapungan harga minyak masak tulen bagi pek kemasan botol dan pe-

netapan harga kawalan siling terbaharu bagi ayam dan telur ayam," katanya.

Saharuddin berkata, Ops ATM akan berakhir 31 Julai ini dan pihaknya akan melakukan pemeriksaan secara berterusan sama ada hasil aduan atau secara proaktif di peringkat KPDNHEP sendiri.

Katanya, pihaknya ketika ini menjalankan pemeriksaan bersasar terhadap 13 syarikat pembungkus minyak masak paket bersubsidi di Terengganu.



MINYAK masak paket dijual pada harga RM2.50 satu kilogram. - UTUSAN/FARIZ RUSADIO

Pelik minyak masak paket ghaib

SAUDARA PENGARANG,

APABILA kerajaan memansuhkan subsidi minyak masak botol satu, dua, tiga dan lima kilogram (kg) pada 1 Julai lalu, harga minyak berkenaan naik lebih 40 peratus.

Contohnya, harga minyak masak lima kg sewaktu subsidi adalah sebanyak RM29.70 berbanding harga tanpa subsidi RM42.70.

Sebagai pilihan, rakyat berpendapatan rendah (B40) diberi pilihan membeli minyak paket satu kg yang berharga RM2.50 tetapi lain pula yang berlaku, iaitu minyak cepat habis.

Minyak masak terbabit sentiasa ketiadaan stok walaupun Kementerian Perdagangan Dalam Negeri dan Hal Ehwal Pengguna (KPDNHEP) telah memaklumkan kerajaan memperuntukkan sebanyak 60,000 tan metrik minyak masak paket bersubsidi kepada pengilang.

Ini untuk diagihkan kepada pembungkus dan pemborong yang akan mengedarkannya semula dalam bentuk paket satu kg.

Jumlah 60,000 tan metrik bersamaan 60 juta kg. Ini bermakna sebanyak 60 juta paket minyak masak satu kg diagihkan setiap bulan. Ini juga bermakna setiap penduduk akan mendapat kuota dua kg sebulan bagi 30 juta rakyat Malaysia.

Harga sebenar minyak masak paket ialah RM9 tetapi harga subsidi RM2.50, iaitu paling murah dalam dunia.

Persoalannya, ke mana ghaib minyak masak paket? Akibat kekurangan dan kehabisan bekalan di kedai runcit dan pasar raya, pembeli terpaksa membeli minyak masak dalam botol yang mahal.

Kalau dapat membeli dalam paket pula dihadkan sebanyak dua atau tiga sahaja dan ada sesetengah kedai memaksa pembeli membeli barangan lain bagi mendapatkan minyak masak paket tersebut.

Kita tidak mahu rakyat terutama golongan

bawahan tertekan akibat dicengkam pelbagai masalah sedangkan mereka sepatutnya memberi tumpuan untuk membina hidup baharu selepas pandemik Covid-19.

Bagi saya, kekurangan minyak masak paket di pasaran berkemungkinan akibat penyeludupan ke luar negara kerana harganya yang murah. Minyak masak paket bersubsidi dibungkus semula dan dijual dengan harga tinggi.

Mungkin terdapat juga perbuatan pekedai menyorok minyak masak paket supaya pembeli membeli minyak masak dalam botol yang lebih mahal sekali gus membolehkan peniaga mendapat keuntungan besar.

Jika pembeli terpaksa juga melakukan pembelian minyak botol tanpa subsidi itu dan ia habis dijual, pekedai akan mendapat keuntungan lebih besar.

Oleh itu, KPDNHEP dan agensi berkaitan perlu menyiasat dan menyelesaikan masalah ini memandangkan rakyat terjejas akibat kenaikan harga barang dan kos sara hidup tinggi.

Akibat kesan kenaikan harga barang dan kos hidup tinggi, ramai golongan berpendapatan pertengahan (M40) sudah menjadi B40 dan mereka sudah tentu ingin membeli barangan murah dan bersubsidi seperti minyak masak paket dan sebagainya terutama menjelang Hari Raya Aidiladha.

Sebelum ini, KPDNHEP pernah menyebut kekurangan itu kerana tindakan pengusaha kedai makan yang turut sama membeli barangan bersubsidi dan juga dibeli golongan T20 serta M40.

Rakyat berharap kerajaan dapat mengenal pasti punca berlaku kekurangan minyak masak paket di pasaran secepat mungkin dan mengambil langkah untuk mengatasinya dengan segera.

ABDUL HAMID
Temerloh, Pahang

Senarai Harga Barang Keperluan		Senarai Harga Barang Keperluan		Senarai Harga Barang Keperluan		Senarai Harga Barang Keperluan	
• Ayam	RM7.99	• Telur Gred A	RM12.45	• Gula Pasir	RM2.85	• Cili Merah	RM9.99
• Daging Lembu Tempatan	RM42.99	• Ikan Kembung	RM8.90	• Bawang Besar Holland	RM2.50	• Kubis Bulat Tempatan	RM3.20
• Daging Lembu Import	RM38.99	• Minyak Masak	RM6.50	• Bawang Putih	RM5	• Tepung Gandum	RM2.30

*Harga (RM/kg) Sumber: KPDN/HEP

	New fuel prices July 7 - July 13
RON95	RM2.05 (unchanged)
RON97	RM4.80 (-4 sen)
DIESEL	RM2.15 (unchanged)